

Wie sich die Weiber/ für/ inn/ vnd  
nicht schemen auff ire Knie zu fallen/ vñ  
eifrig zu Gott ruffen vnd schreien/ denn  
es ist ja grosse not da mit den liebē Weib-  
bern / darumb man auch fleissig betten  
sol/ vñ wo das also geschehen wirt/  
wirt sie Gott erhören / vnd inen bey den  
geberenden Weibern trewlichen beysteh-  
en vnd helffen.

Zum Andern/ Sollen auch die Wes-  
hemütter geschickt vnd erfahren seyn/ die  
was wissen vnd verstehen / die zuuor offte  
darbey gewesen / vnd was erfahren/ die  
auch allerley Arzney vnd mittel wissen/  
darmit schwangern vñ geberenden Weib-  
bern zu rahen vnd zu helffen stehet / als  
lein das sie Christliche/ vnd nicht Abgöt-  
tische mittel brauchen / das sie die Weib-  
ber in Kindes nöten nicht segenen / noch  
ander Abgötterey vnd Gauckleren mehr  
treiben/ denn damit sündiget man wider  
das Erste Gebott/ vñ erzörnet Gott hiez  
mit grewlichen / wil man aber die geber-  
ren